

ԱԿՈՒԻՍԿՐԱՆԱ ԿԱՄ ԷՍԼԱՇԱՐԷԼ ՔԱՂԱՔԻ

ԵԿԵՂԵՑԻՈՅՆ ՄԷՋ ՊԱՀՈՒԱԾ ՀՌԶԱԿԱՒՈՐ ՆՇԻԱՐՔՆ

Թարգմանեալ 'ի Journal de Rome օրագրէ:

Ամենուն ծանօթ է Մեծն Կարոյս անուանի կայսրն, պաշտպան Եկեղեցւոյ և բարերար կաթողիկէ աշխարհի և վերանորոգող եւրոպական ազգաց: Իր աշխարհաչէն մեծագործութեանց մէջ ալ մասնաւոր կերպով յիշատակաց արժանի են Ակուխակրանա կամ հիմա էպաշարէլ ասացեալ քաղքին շինութիւններն՝ զոր իրեն մայրաքաղաք ընտրած էր, և պատերազմներէն ետև հոն գայր հանգչելու՝ գեղեցիկ յիշատակարաններով զայն զարդարելով, որոց մէջ երեւելի է այն միակ գանձն բոլոր աշխարհի մէջ՝ ուր պահուին Տեառն մերոյ Յիսուսի Քրիստոսի և իւր ամենասուրբ Մօրն և այլ սրբոց նշխարքն:

Այս քաղքին մէջ ուր Գերմանիոյ կայսերք գային պատկուելու, ինքն չինել տուաւ Տիրամօր ընծայեալ մատուռն, որ հռոմէական ճարտարապետութեան գոհար մի կարէ համարիլ իր ճոխութեամբն, և որոյ շինութիւնն ութ տարուան մէջ աւարտեցաւ, 796էն ցՅ04. որ որչափ ճոխ է արուեստի մասին՝ նոյնչափ և ևս առաւել հոն հաւաքուած կրօնական յիշատակարանաց կողմանէ՝ որ իրենց սրբազան հրնութեամբն ամենեցուն պատկառելի են: Ինքն իւր անշուք և անզարդ գերեզմանն ալ նոյն եկեղեցւոյն մէջ չինել տուաւ, ուր իր արքայական փառաց անվայել բան չէր համարեր բազմութիւն զպրաց և վիճակաւորաց հետ Աստուծոյ փառաբանութիւններն երգելու:

Եկեղեցւոյն գանձարանին մէջ պահուած սուրբ նշխարքն են

Ա. Հանդերձ Սրբոյ Կուսին Մարիա մու Աստուածածնի.

Բ. Խանձարուրք Տեառն մերոյ Յիսուսի Քրիստոսի.

Գ. Վարչամակն՝ յորում ամփոփեցաւ զլուխն հատեալ Ս. Յովհաննու Մկրտչի.

Դ. Կտան միջաց Յիսուսի Քրիստոսի 'ի ժամ խաչելութեանն:

Այս պատուական նշխարաց հարազատութեան վերայ ամենեւին տարակոյտ չկայ, որովհետև ամենայն քննութեամբ հաստատեալ է նոցա վաւերականութիւնն. և որոց վկայ են դիւանք, արձանագրութիւնք, աւանդութիւն, գծագրութիւնք, անընդհատ ուխտաւորք ապանատեղ մետասան դարերէ 'ի վեր, որք ամէնքն ալ մի մի հաստատութիւն են սրբազան գանձուն: Ինքն իսկ Կարոյս հիմնադիր եկեղեցւոյս՝ այսպէս իօսի արքունի քարտիսի մէջ. «Այս հռչակաւոր եկեղեցիս և այս մեծաչէն գործս չինել տուած ժամանակ, ոչ միայն ըստ իմաց ըզձից՝ այլ և շնորհքն Աստուծոյ, հաւաքեցի 'ի նմա բազում նշխարս առաքելոց, մարտիրոսաց, խոստովանողաց և կուսանաց, հեռաւոր երկիրներէ գնոսին բերելով, մանաւանդ 'ի Յունաստանէ, և եզի գնոսս այս սուրբ տեղս, որպէս զի բարեխօսութեամբ նոցա կայսրութիւնն հաստատուի, և մեղաց լիութիւն լիցի »:

Այս սուրբ նշխարքս ընկալաւ Կարու-
լոս 'ի զանազան կողմանց . յերուսա-
ղեմէ 'ի ձեռն Յոհաննու պատրիարքի,
'ի Կոստանդնուպօլսոյ 'ի կայսերաց ժա-
մանակին , 'ի Պարսից ձեռամբ Հա-
րուն — էլ — Ռաշիտ Հագարացոց ամի-
րապետին , որոյ իշխանութեան ներքե
էր նոյն ատեն Պաղեստինու աշխարհն :
Այս ամէն թագաւորք և իշխանաւորք՝
իւր բարեկամութիւնն շահիլ ջանային՝
որ իւր ժամանակին ամենէն հզօր ինք-
նակալն լինելուն , և գիտելով իւր սէ-
րըն զոր ունէր կրօնական զանձուց՝
նուիրէին իրեն այս սուրբ նշխարքս ,
որ աստուածային տեսչութեամբ ան-
ցանէին յարեւելից յարեմուտս , իրենց
հետ բերելով զօրհնութիւնս և զշնորհս
երկնից :

Փրանկական տարեգրոց մէջ որոշ
յիշատակի թէ յամի 799 Երուսաղե-
մայ պատրիարքն վանական մի զրկեց
իրեն նուիրակ 'ի Գերմանիա՝ որ « զա-
նազան նշխարս բերաւ ընդ իւր՝ Տեսառն
մերոյ յարութեան տեղէն » :

Եկինհարա՝ Կարօլոս կայսեր ատե-
նադպիրն ալ՝ որ նորա վարքն գրեց՝
յիշատակէ այս հրեշտակութիւնս , և
պատմէ թէ նոյն տարին՝ իրինէ կայս-
րուհւոյն ժամանակ հասան այս նուի-
րակներս յԱլկուիսկրանա , և ետ դար-
ձած ժամանակն կայսրն իւր Զաքարիա
անուամբ մատրանապետն նոցա ուղե-
կից տուաւ , և մեծագումամբ դրամ
զրկեց օգնութիւն քրիստոնէից՝ որ
սարակինստաց լուծին ներքե հծծէին :

Այսու արեւելեան քրիստոնեայք ալ
իրենց մեծ բարերար ճանաչէին զԿա-
րօլոս , և 800ին երբ Զաքարիա դար-
ձաւ յԱլկուիսկրանա՝ երկու միան-
ձունք ալ նորա հետ եկին , բերելով
կայսեր՝ Սուրբ Գերեզմանին , Գողգո-
թայի , Զիթենեաց լերին և շրջապատին
փականքն , հանդերձ մեծագին դրօշա-
կով մի : Այսպէս այս սուրբ տեղերս՝
իրենց մէջ եղած գանձերով՝ Կարօլոս
մեծին տրուեցան յամի 800 , Հարուն
ամիրապետին հաստատութեամբն , որ
յառաջագոյն ալ շատ ընծաներ ու-

ղարկել էր իրեն՝ զանազան գեապաններ
զրկելով :

Ինքն ընկալաւ նաև բազում նշխարս
'ի Կոստանդնուպօլսոյ՝ զորս կայսերք
Թունաց իրեն նուիրէին իւր բարեկա-
մութիւնը շահելու համար . յորս էին
Եփրէն թագուհին՝ որ սակաւ մի ևս մե-
ծին Կարօլոսի հետ պիտի ամուսնանար ,
և կայսերքն Նիկեփորոս Լողոթեթ , Մի-
քայէլ՝ Կիւրապաղատ և Լևոն հայկ-
ազն , որք շատ կրօնական յիշատակ-
ներ զրկեցին իրեն և նշխարս 'ի Պա-
ղեստինոյ , յԱրևելից , յԱփրեկոյ և 'ի
Սպանիոյ . զորս և ընծայեց Կարօլոս
զանազան եպիսկոպոսական աթոռոց՝
զորս ինքն հիմնել էր . և սակայն նոցա
զխաւորներն պահեց Ալուիսկրանայի
Տիրամօր եկեղեցւոյն արքունի մատ-
րան մէջ :

Ի սոցանէ սուրբ նշխարանաց աւան-
դական կարգին մէջ առաջինն է Կու-
սամօր զգեստն . — Երբայեցւոց մէջ ա-
րանց և կանանց զգեստն էր՝ մարմնոյն
վերայ հագուելու պատմուճան մի հան-
դերձ գօտով , վերարկու , սանդալք ու-
տից , և խոյրի նման զվարկ : Ալուիս-
կրանա պահուած Սրբոյ Կուսին պատ-
մուճանն ներսէն մարմնոյն վերայ հագ-
նելէն էր , որ շապիկ կամ՝ նեղքնակ
կոչէր . նիւթն արեւելեան շեհնեղէ հիւ-
սած է՝ զոր աւելի աղնուականք հագ-
նէին , մանաւանդ . յեգիպտոս , որ
շատ տեսակներու բաժնուէր : Այս
տուածամօր զգեստին տեսակն ամենէն
հասարակն է , գոյնն դեղնագոյն ճեր-
մակ և սեղանի անձեռոցի պէս քառա-
կուսի քառակուսի հիւսուած :

Պարանոցն անցընելու բացուածքն՝
բարակ բանուածքով օձապտոյտ մի շի-
նուած է , նմանապէս զգեստին վարի
դին եղած երկու ճեղքերուն շուրջն ,
բայց սոցա ձևն վերինէն տարբեր է՝
թևերն երկայն եղած երկին , և ձախ
թևին մի մասն կտրած է . իսկ այլ թե-
ւին և կուրծքին վերայ դեղնաւորակ ճեր-
մակ բծեր տեսնուին՝ որ երևի թէ
կուսամօր կաթին կաթիլներն են . —
Երբ Տիրամօր զգեստն ժողովրդեան

ցոյց տան՝ ծալքն քակեն՝ այնպէս որ լայնքն ու երկայնքն ամբողջ երևի . իսկ միւս երեք նշխարքն միշտ ծալած ցուցանեն ու ժապաւինով կապած են :

Հինգերորդ դարէն 'ի վեր աւանդու թիւն մի կայ՝ թէ Կոստամայրն յեփեսոս մեռած չէ, այլ յերուսաղէմ, (ըստ ոմանց) հնգետասան տարի իր Միթանէն ետև : Ըստ Նիկեփորայ կալիստոսի՝ երբ մեռնելու մօտ էր՝ ապապրեց սիրելոյ աշակերտին՝ (որ փրկչին յանձնարարութեան համեմատ զինքն խրանմէր), որ իւր զգեստներն երկու դրացի կանանց տայ, զորս ինքն շատ սիրէր իրենց առաքինութեանց և պարկեշտութեանն համար : — Շատ տարիներ անցնելէն ետև, յամի 451 այս զգեստուց մին գտնուեցաւ Գալիլիոյ զիւղի մի մէջ բարեպաշտ հրեայ կնոջ մի քով : Կալիփոս և Կանդիդոս անուամբ երկու ուխտաւորք՝ որ յարիոսական աղանդէ դարձած էին յուզղափառութիւն, յերուսաղէմ ուխտի ելին : և լսեցին այն կնոջն՝ որ այն զգեստն իր ընտանեաց մէջ պահուէր որպէս անգին գանձ մի, որովհետև սուրբ և պաշտելի կոստանի մի պատմուճանն էր . գանձս փակուած էր զգրոցի մի մէջ և պահուէր նոյն կրնոջ տան ետի զին առանձին սենեկի մի մէջ . ուր երբ մտին՝ տեսին բազմութիւն հիւանդաց՝ որ զգրոցին տուցն 'ի ծուռն իջեալ իրենց առողջութիւն խնդրէին : Կալիփոս և Կանդիդոս զիշերն 'ի բուն նոյն սենեկին մէջ անցընելով՝ զգրոցին չափն առին, և ինչ փայտէ շինուած լինեն իմացան և թէ ինչպէս ներկած էր . իրենց միտքն այն էր որ գողնան և քրիստոնէից ձեռքն հասցընեն : Այս բանիս համար ելին յերուսաղէմ գնացին, և հոն շինել տուին զգրոց մի յար և նման առաջնոյն զոր տեսել էին . և սուրբ տեղեաց ուխտն կատարելով՝ դարձան նորէն այն հրեայ կնոջ տունն : Եւ առանց զժամարութեան սուսիկ փուսիկ նոր շինուած տապանակն այն տեղը դնելով՝ հինն վերուցին, և կնոջն ալ ծանրագին պարգևներ տալով՝ դարձան 'ի Կոստան :

դնուպոյիս : Առաջ կամէին իրենց սեպհականել այն գանձն, սակայն եղած հրաշիքստիպուեցան յայտնելու զայն, և բոլոր եղածն ծանուցին լիւոն կայսեր և վերինս կայսրուհւոյն, որ շատ ուրախացան այս լրոյս վերայ, և մեծապարգև մեծարեցին զկալիփոս և զԿանդիդոս . և վաքեռնի ապարանից եկեղեցւոյն մէջ՝ մասնաւոր մատուռ մի շինելով՝ հոն տեղաւորեցին այս սուրբ հանդերձս :

Երբ 613ին խոսով Պարսից թագաւորն սկսաւ Պոլսոյ վերայ յոխորտալ՝ տեսնելով որ վաքեռնի եկեղեցւոյն գանձն վտանգի մէջ է, որովհետև քաղքին արուարձաններէն միոյն մէջ լինելով՝ աւելի ենթակայ էր թշնամեաց աւարառութեանն, անոր համար փոխադրեցին զնոսա 'ի Սուրբն Սոփիա : Յետոյ ը դարուն վերջերը Մեծն Կարուս բնկալաւ այն պատմուճանն իւր Ալուիսկրանայի մատուռը դնելու համար : և Սուրբն Անկիլպետոս աշնորա մի կտորն առաւ 800 և 814ին առններն իր վանուցն համար 'ի Կենտուոն : — Յետոյ կայսրն բոլոր աշխարհք պատգամաւորներ զրկեց հրաւիրելով զամենայն ուղղափառս յԱլուիսկրանա՝ յ13 յունիսի, « առ 'ի պատիւ սրբոց նշխարաց » որ հոն գտանէին, այսինքն ութ հատ փուլք 'ի պսակէ Տեսառն մերոյ, բևեռ մի սրբոյ խաչին, ճշմարիտ խաչին մի կտորն, վարչամակ Տեսառն մերոյ, պատմուճան Կուսին Մարիամու, խանձարուրք Յիսուսի Մանկան՝ որ 'ի մարին, բազուկ Սիմէոնի ծերունոյ և այլ բազում նըշխարք : — Իսկ այս ժամանակէս 'ի վեր նոյն պատուական աւանդից վերայ շատ անգամ խօսած են Ալուիսկրանայի Տարեղիւրքն և Յամանակագրութիւնք :

Տիրամօր վերափոխմանէն ետև՝ Մանուկ Յիսուսի խանձարուրին ուր մնայն ոչ գիտեմք . հաւանական է որ ծանօթ և բարեկամ ընտանիք մի զնոսա պահած էր անգին գանձու մի պէս : Բայց Յիսուսի քրիստոսի մահուանէն ետև՝

քրիստոնէից վերայ հասած սաստիկ հալածանաց նայելով՝ կարեմք աւել թէ աստուածային նախախնամութեամբ էր որ փրկչին, իւր Մօրն, սրբոյն Յովսեփայ և Աւագբերց պատկանեալ նշխարքն ծածկելով անյայտացան առաջին դարերուն մէջ. ապա թէ ոչ այն արիւնհակ հալածանաց ժամանակ թշնամիք քրիստոնէութեան ամէն բան պիտի ապականէին և ջնջէին: — Բայց երբ Մեծն Կոստանդիանոս 312ին Մաքսենտիոսի յաղթելով՝ քրիստոնէից պաշտպան հանդիսացաւ, և հալածանքը դադրեցուց, այլ այնուհետեւ պատճառ մի չկար ծածկելու զնշխարս պատկանաւորս փրկչին և Մօր նորա և սրբոց Աւագբերց. այլ և Կոստանդիանոսի Մօրն սրբուհւոյն Հեղինայ ձեռքով ճշմարիտ խաչին գտանելն ալ՝ զրեթէ նախընթաց նշան մի եղև միւս նշխարաց գիւտին:

Գալով Մանուկ Յիսուսի խանձարոցն՝ ունեցած տեղեկութիւննիս փոքր մի ուշ և յետոյ է ժամանակաւ: Ոմանք համարին թէ կայսրուհին Եւդոքսիա ընդունած լիցի զնոսա՝ յերուսաղէմ ճանապարհորդած ժամանակ յամի 445, և զրկած 'ի Կոստանդնուպօլիս' ուր երիտասարդ Բուքերիա կայսրուհին եկեղեցի մը շինել տուած լինելով 'ի պատիւ Կոստանօրն' հոն զետեղեցան: Յովհաննէս — Եկուր Շիֆլէթ աւուն մատենագիր մի ժիշդարուն մէջ՝ որ սուրբ Գերեզմանին նշխարաց վերայ գրած է, համարի թէ Եւդոքսիա ընդունած լիցի զխանձարուրս Քրիստոսի 'ի Յովնայէ (Յօրնաղ) պատրիարքէ երուսաղէմի, որոյ համար ասի թէ նաև սրբոյ Կուսին զերեզմանն և նորա պատանքն ալ զրկած է 'ի Կոստանդնուպօլիս: — Բունաց եկեղեցին մասնաւոր տուն մի կատարէր խանձարոց փրկչին յ31 օգոստոսի, ինչպէս որ մեր յայսմ աւուրաց մէջ ալ յիշատակի 'ի նմին աւուր, և նոցա հետ նաև Կոստանօր պատուական գօտւոյն տունն: Այս գօտիս հաստ և ամուր բրդեղէն նիւթով մի շինուած է, գոյնն մութ դեղին, և տե-

սոյն անդէն գուլակէ թէ աղքատ աշխրկան մի եղած է: Գերմանոս պատրիարքին խօսից նայելով՝ Սուրբ Կոյան իւր ձեռք հիւսած էր զայն. իսկ Ակուիսկրանայի մէջ աւանդութիւն կայ՝ իբրև թէ սրբոյն Յովսեփայ ճամբորդութեանն ծածկոցի մի թելերովն շինուած էր: — Լիվերանի անուամբ քահանային 1854ին հրատարակած հին յիշատակարանաց նայելով՝ երևի թէ այս խանձարոց մի մասն 'ի Հոռմ տարուեցաւ, և դրուեցաւ 'ի Սուրբ Մարիամ մուրջ ասացեալ եկեղեցին՝ յաւուրս Թէոդորոս պապին, յամի 646 կամ 49. ուր պահի մինչև ցայժմ: — Իսկ յԱկուիսկրանա եղած խանձարոց վաւերականութիւնն հաստատող առաջին պատճէնն է սրբոյն Դիոնէսիոսի ձեռագիրն՝ զոր արդէն յիշեցաք: Բաց աստի՝ յիշատակին նաև 1192ին գրուած նշխարաց ցանկի մի մէջ, և Ալբերիկ անուամբ միանձի մի ժամանակագրութեան մէջ, յորում յիշատակի նաև այն մեծ հրդեհն՝ որ քաղաքը միխիր դարձուց յամին 1236ին: — Փիլիպպոս Մուքէս անուամբ թափառական քերթողն ալ՝ որ ԺԳ դարուն սկիզբն էր, կարողութիւն Ակուիսկրանայի մէջ հաւաքած նշխարաց վերայ խօսելով՝ յաւելու նոյն ժամանակի լեզուաւ Apries s'aporta la sainture dont li Fils Dieu, en noretur est estet estrains es biercuel s'el virent moult le gens alnet. որ թերևս ոյսպէս թարգմանեի է.

Յետոյ ամեռալ եղև գօտին, իւ նորածին Աստուածորդին

Պինդ պընդեցաւ յորորոցին. Զոր և բազումք աչք տեսին:

Վարչամակն զխատման Ս. Յովհաննէս կարապետին այն է՝ որով ըստ սովորութեան Հրէից Սրբոյն զուխն պլլեցին առ 'ի թաղել զնա: Զևն ուղղանկիւն է, կտանն նրբանիւթ, տեղ տեղ խոշոր արեան բծերով. ասոր համար է որ Ժողովուրդեան ցոյց տուած ատեն՝ ծալքն ոչ բանան: Բոլանդեանք՝ հին արաբական ձեռագիր մի յիշեն՝ յո-

բում սաի թէ Հերովդէս իւր պայա-
տան մէջ թաղած էր Յովհաննու
Մկրտչի գլուխը. բայց իր մեռնելէն
ետեւ պալատն կործանեցաւ և քարա-
կոյտ մի եղև: Շատ տարիներէ ետեւ
երկու ուխտաւորք գիշեր մի այն աւե-
րակաց մէջ ապաւինելով հրեշտակ մի
երեցաւ իրենց և եցոյց կարապետին
զիսոյն տեղը, զոր առնելով իրենց եր-
կիրը տարին: Սոգոմենոս պատմագրին
խօսից նայելով չորրորդ դարուն եր-
կորդ կիսուն մէջ Սրբոյն Յովհաննու
գլուխն դտնուեցաւ՝ մակեդոնեան հեր-
ձուածող միանձանց քով, որ յառա-
ջագոյն յերուսաղէմ բնակէին, և յե-
տոյ 'ի Սիկիլիա փոխադրուեցան: Երբ
վաղէս կայսրն իմացաւ այս բանս՝
հրամեց որ 'ի Կոստանդնուպոլիս բե-
րեն այն պատուական գանձն. բայց
երբ կառքն՝ որոյ մէջ էր սուրբ գլուխն՝
հասաւ 'ի Պանտիքիոն (Բէնտիք) մերձ
'ի Քալկեդոն, լծուած ջորիներն այլ
աւելի յառաջ երթալ ոչ կամէին.
կայսրն ալ հրաջք համարելով այս
բանս՝ նոյն տեղը թողուց զսուրբ
նշխարսն: — Բայց սակաւ մի յետոյ
յամի 386 կայսրն Թէոդոս Մեծն ուխ-
տի երթալով վերոյիշեալ գիւղը՝ հան-
դիսաւոր կերպով 'ի Կոստանդնուպո-
լիս փոխադրեց այն պատուական նըշ-
խարքը, մասնաւոր սրբարան մի շինե-
լով իրենց համար: Յետոյ այս պա-
տուական գանձս ալ տրուեցաւ Կարո-
լոսի, զոր զնել տուաւ 'ի մատրան
Կուսամօրն:

Իսկ սուրբ պատառն կամ Միջա-
պատն զոր կրէր փրկիչն խաչելու
թեան ժամանակ՝ մեծ կտոր լաթ մի է
ճերմակ գունով՝ որ երևի թէ աւելի
երկայն կտորէ մի պատուաւած է. ձևն
եռանկեան մօտ, որոյ վերայ արեան
լայն բծեր երևին՝ որովք գրեթէ խմբ-
ւած է. միայն ծայրերն որ կապուած
էին՝ ճերմակ մնացած են: — Սուրբ
գրոց մէջ ամենեւին յիշատակութիւն

չկայ թէ փրկիչն միջապատ մի կրէր Դ
խաչին, թէ և հին աւանդութիւնն զայն
հաստատէ, և ցուցանէ թէ Յիսուս
Քրիստոս բոլորովին մերկ չէր խաչին
վերայ. և ամենէն հնագոյն խաչելու
թիւններն մէջք լաթ մի կապած նկա-
րուած են: — Հիմա մնայ գիտել թէ
սուր պահուէր այս միջնապատն յԱ-
կուիսկրանա բերուելէն յառաջ: Ամե-
նէն հին տեղեկութիւնն դտանեմք
նշխարատուփի մի վերայ՝ որոյ մէջ պա-
հի յաղթող նշանն Կոստանդիանոս
կայսեր, յորում սաի թէ բովանդակէ
(մասն ինչ) 'ի պաւստառէն որով աիա-
հետլ էր Յիսուս Քրիստոս 'ի խաչին:
Այս նշխարատուփիս մէջ ուրիշ շատ
նշխարներ ալ կային, ինչպէս 'ի փշե-
ղէն պսակէն, 'ի սպունդէն, 'ի ծիրա-
նոյն. ուստի հուանական է որ երբ
Մեծն Կարոլոս ընկալաւ 'ի Կոստան-
դնուպոլսոյ զնշխարս ծննդեան և չար-
չարանաց փրկիչն՝ միջնապատն ալ միա-
տեղ էր: — Ակուիսկրանայի գանձուն
ցանկին մէջ յամին 1192 այս խօսքով
յիշատակի. 'ի զգեստոց Տեառն ու-
րովք խաչեցաւ: Ալբերիկի Ժամանա-
կագրաց մէջ ընթեռնումք յամի 1236.
այն կտառն որով աիահետլ էր Յիսուս
Քրիստոս 'ի խաչին սրկեալ արեաւոր
նորա: Քորսէնտոնքի ասացեալ ձե-
ռագրին մէջ ալ յիշատակի այսպէս.
« Կարոլոս մեծն ստացաւ իւր Ակուիս-
կրանայի մատրան համար այն զգեստն՝
զոր կրէր Քրիստոս 'ի վերայ խաչին, և
որ նորա մէջքը պատէր »:

Այս հանգերձս թացեալ արեամբ
Որդւոյն Աստուծոյ՝ զոր եհեղ վասն
մարդկան, սրբազան և նուիրական է՝
բառիս բոլոր ուժովն առեալ: Եւ թէ
պէտ իւր ծագումն բացարձակապէս
ապացուցանելու կարող չեմք, սակայն
վերոյգրեալ նշմարք բաւական են ա-
ռաւել քան զառաւել ցուցանելու՝ որ
ամենեւին տարակոյս ոչ վերցընէ իւր
հարազատ վաւերականութիւնն: